

# Ленинэнь киява

ВЛКСМ-нь Мокшэрзянь обкомонть ды Саранскоень ошонь комитетэнь газетаст

МАЕНЬ

20 чн,

1937 ир

№ 56 (730)

ЛКС: 7-дс пп  
Члнх птзс

## Испытаниятнень ютавтомадонть

Течи ушодовить школасо проверочной испытаниятне. Испытаниятнень анокстамонть шкасто уш школьникнэ ветясть пелькстамо ды зачеттнень максомстояк кармить бороцямо сень кис, штобу получае шнамонь грамотат. Те шкастонть эряви муемс эйкакштнэнь вейкен-вейкен туртов лездемонь паро формат. Образецкс эряви невтемс Евтюхов Ваянь (Орменка веле, Брянской район, Западной область). Ваянь ды сонзэ ялгатне цела ковоень перть школасто самодо мейле тонавтнесте рузонь келенть, эрва чистэ пель час вейкест-вейкест туртов диктовилть ды диктантнень проверилть книгатнень коряс. Эйкакштнэ мейле ваннэнь эсист васень ды мейльце диктантнень, сынс мик диваст эс успештнэнь.

Проверочной испытаниятнень ютавтомсто а эряви пек покшокс ловомс тонавтниятнень знанияст, эряви учениктнень эсист общественной мелест нолдам сынст успешест видест ды точнойстэ чаркодематнень. Отличникекс жо может улемс ансяк се, кинь знаниясто кеметь ды томкат.

Кинь эряви ловомс отличникекс? Нама, аволь сень, кие кодак ансяк тонавтнесте тонавтемань весе нетнень перть ды ансяк меельс классонть случайна максынэ испытаниятнень. Алкуксонь отличникекс эряви ловомс ансяк сень, кие свал, нестэ-иес парсте ды успешнойстэ тонавтнесте, эрва мезень коряс ульнест сехикеле молицякс.

Ютась нень легкомысленной, лангивева теезь, случайной оценкатне, кой-кона случайтнесэ жо школанть дешева авторитетнэ кие маньшезь-кенгелэзь панемась пачтасть сенень, што ВУЗ-тнэ экзаментэе примазь отличниктнень лементь коряс поигсть малограмотной ломанть, конатнень туртов савсь студенческой скамика лангсо организовамс своеобразной ликбезт. Антигосударственна ды мик преступна, зардо студенческой

таркатнень занить апак анокста, аволь грамотной ломанть. Школантень эряви путомс весе виенть, штобу оправдать сонзэ лангс государственть кемеманзо, конань коряс кеменце классонь отличниктнэ ВУЗ-спримають испытаниявтомо. Эряви путомс пе а виде арсемантень, што школанть честезэ ашти сень эйсэ, зардо отличникт сон нолдась. Тевесэ аволь сень эйсэ—ламо эли а ламо максом отличной аттестатт, но икеле пелень студентнень анокстамонть томка-чисэнэ ды качествасонзо.

Сех ламо десятиклассниктнень туртов тундось канды аволь ансяк получаць знаниятнень генеральной проверямо. Неть напряженной читнестэ жо од ломантне кемекстыть эсист судьбаст, кочкить весе эсист эрямост. ки. Ответственной ды стака те тевесэ кемгавксово нестнень туртов!

Теке жо шкане школасо тонавтимань содавикс инерциясь эшю иста пек виев, што ламо десятиклассниктнэ высшей учебной заведенийтнень лангс ваннэнь проксеке жо общеобразовательной школанть кевийкееце, кемгавтовоце ды лия класс лангс „тонавтемс седе тов, тосо жо невамо карми!“—кортнить сын.

Од шкань те легкомыслиянь эйстэ самой ней школатнень эрви ванстомс эсист выпускниктнень. Школань комсомолонтень, комсоргтнень, ВЛКСМ-нь комитеттнень эрви десятиклассниктнень максомс покш лезкс икеле пелев эрмо кинь кочкамосонть. А эрви мезеяк навязывать, но од ператнень ды тейтертнень лездемсынест наклонностнень ды бажмотнень чаркодемасонть.

А кармамс райкомов, комитетс, группас тердтнеме, но лездемшколасонть сех вадряучениктнень рядтнэ лисемантень—вана кодат комсомольской организациятнень течинь чинь задаче десятиклассниктнень отношениясонть.

А кармамс райкомов, комитетс, группас тердтнеме, но лездемшколасонть сех вадряучениктнень рядтнэ лисемантень—вана кодат комсомольской организациятнень течинь чинь задаче десятиклассниктнень отношениясонть.

Клубонть заведующеесь Чиндяйкин ды комсоргось Шунчев од ломантнень тосо организовать лекцият, ютавтыть сынст ютксо МАССР-нь Конституциянь проектэнь толковамонзо.

Ф. Кипайкин.  
Ардатовань район.

## Шкась ютни веселасто

Мазый ды лембе тундонть пек кенардозь вастызь Алова велень од ломантне. Сын вельсоветэнь ды „Передовик“ колхозонть лездемост коряс клубонть вакс тейсть нурьсемат (карусель), конатнесэ эрва чокшне нурьситься од ломантне. Аволь чуросто тесэ эрсит парсте организовазь чокшнест: налксить гармониясо, конатнень коряс морсить мазый эрямонть частушкат, киштнить. Киштнематнесэ ды частушкань морсиматнесэ весенень примерекс аштить трактористкась Лея Пипигина ды од тейтересь Фирсова. Сын морить

шень ды тветкань гербарийть. Тонавтемс лугатнень, сынст тикшест. Ванномс кодат улить лекарственной тикшест.

Путешествиятнень молить сеть тонавтниятне, конатне вадрясто макссызь испытаниятнень.

П.

## Венчсэ путешествия Сура лейганть

Мокшов комсомолецэнь инициативанзо коряс Косогоронь НСШ-нь тонавтниятне организовать Сура лейганть венчсэ путешествия. Путешествиятнень целензэ:

Содамс Сура леень побережият ландшафтонзо. Пурнамс тик-

## Ярмаконь налогтнэнь ды сбортнэнь пандоманть эйстэ аволь трудоспособной колхозниктнэнь олякстомтомадонть

ССР-нь Союзонть Народной Комиссариатнень Советэсь ды ВКП(б)-нь Центральной Комитетэсь те иень маень 15-це чистэнь тейсть путовкс, конань коряс 1937 иень июлень 1-це чистэнь саезь улить олякстомтозь (а кармить пандомо) ярмаконь налогтнэнь ды сбортнэнь пандоманть

эйстэ сеть колхозниктнэ ды башка эриятне, конат нетрудоспособной сень кувалт, што сыреть (иест 60 ды седе ламо) ды семьясост арасть трудоспособной члент.

СССР-нь финанстнень Народной Комиссариатонтень мерезь теемс те льготанть максомань порядка.

— 000 —

## „ПАРСТЕ ЮТАВТСЫНЕК КИЗЭНЬ КАНИКУЛАТНЕНЬ“

Маень 10-це чистэнь „Ленинэнь киява“ газетасонть печатазель Потапов ялганть сермазо седе, штобу тонавтеммадонть мейле парсте ютавтомс кизэнь каникулатнень, тейнемс экскурсият ды лият. Мон целанек согласян Потапов ялганть марто. Везд минь икелень иетнестэ каникулатнень ютавтниликс беряньстэ.

Мон монсь вана тонавтеммадонть прыдомадо мейле сеске жо весе ютко шам кармилинь ютавтемансяк книгань ловнозь, лия мезеяк парозэ ульнестне. Ансяк кой-зардо 5—6 вайгельбень туро якиликс вилев эли эхшелямо. Ды весе. Минь парсте мик а содасынек эсинеке велетнень малава аштиця таркатненьгак.

Секс мон арсян, што те нестэнь

эряви каникулатнень вадрясто ютавтеммадонть коряс теемс ушодкс. Эряви организовамс ковкак интересной таркав поход. А берянь модемс Сура лангов, тосо пек паро природась; содамс косто ушодови Сура, кодат лейть эйзэнэ прыть, ков чуди сонсь. А берянь бу модемс Саранское, сонзэ промышленной предприятиянес, ванномс музеенть ды лият. Те паро Потапов ялганть предложениязо седе, штобу ютамс минек республиканть границатнева. Паро бу улелель, бути кармамс ископаемоень вешнеме. Якамс колхозов, МТС-эв, ванномс кода роботыть велень хозяйствань сложной машинатне. Пек ламо интересной можна теемс каникулань шкастонть.

Симдянов.

— 000 —

## Отличниктнэнь промкс

Шугурова велень средней школасонть тонавтить 631 од ломанть. Сынст эйстэ сядо ведьгементне отличникт. Зачеттнэнь анокстамонть марто неть отличниктнэ ютавтсть промкс, косо сын евтинизь тонавтеммадонть опытэст, кода анокстыть зачеттнэнь.

Вана мезть кортасэ Поляков Иван (7-це классонь тонавтниясэ): „Мон тонавтиян отличнойстэ. Зардо учительтне тейнить лекцият, мон мельгаст тейния черновой сермадовкст, тешкстасэ весе сех эрвиксэнь, главноенть. Мейле тень коряс седе паро теемс конспект-как. Эрва предметэнь коряс лов-

нокшнан весе эрвикс литературанть. Мукушнан шка оймсемскак. Ловнокшнан рузонь ды эрзянь хужожественной литература.

Кортасть зарья отличникт. Вейксэце классонь ученикесь Першин мерсь: „Мон максавал, што испытаниятнесэ весе предметнэнь коряс получан отличной тешкст. Тердян тенень лиятненьгак.“

Промкссонть весе кортамотнесэ ульнест виев критикайк, самокритикайк. Лангс таргазель весе се мезесэ мешась эшю седейк парсте тонавтеммадонть.

И. Горбунов.

Березникень район.

— 000 —

## Шнамо грамотань получамонть лангс кандидатт

Березникень район. Косогоронь НСШ-сэ весе предметтнэнь коряс тонавтеммадонть програмась ютазь ды прыдызь уш ютазь урок-тнэнь омбоцедэ ванномантькак.

Испытаниятнень расписания теезь. Тонавтниятнень содавызь испытаниянь программатнень марто. Эрва чистэ ютавтить консультация. Весе се, мезе эряви школанть пельде теезь. Ней тевесэ тонавтниятнень эйсэ.

Тонавтниятне парсте анокстыть прыст. Сехте вадрясто анокстыть комсомолецтнэ ды пионертнэ. Вана Четоркин комсомолецэ (7 класс, тонавтиця) вадрясто анокстась испытаниятнень. „Сон аккурат-

нойстэ яксець консультация. Тонавтеммадонть весе иень перть Четоркин ялгась вейкеяк чи эзь нолдтне ды тонавтнесте ансяк отличносто. Комсомолонь промкссо сон макссь вал, што 7-це классонть прыдомс шнамо грамота марто.

Истя жо вадрясто анокстыть прыст комсомолецтнэ котоцекс классо тонавтниятне — Киселев Вая, Мокшов Коля, Жарков, сын борозить сень кис, штобу 6-цекс классо 7-це классос ютамс шнамо грамота марто. Школань весе тонавтниятне ветить соцпелктамо.

Пивцайкин.



## МЕЗДЕ СЕРМАДЫ „КОМСОМОЛЬСКАЯ ПРАВДА“ ГАЗЕТАСЬ

Те иень маень 12-це чистэ „Комсомольская правда“ газетася печатася передовица „Тердсынек инжеск велень учителень“. „Комсомольская правда“ тесэ сермады, што од учительтень, конатненень максозь пек покш ды ответственнй тев—советской эйкакштнэнь коммунистической воспитаниясь—сеedyстэ а сатныть знаниясть.

„Ламо од учительтень,—сермады газетася,—эшо пек алкине культурной развитиянь общей уровенест. Аволь чуросто велень учителесь те од ломань, конася весты как эшо арасель покш ошсо. Ансяк газетань фотографиятень коряс ды книгатнэстэ сон соды заводтнэнь, конатнеде сонензэ эряви евнемс эйкакштнэнь. Ансяк коротнематнэнь коряс сон соды алкуксонь музейденть. Ансяк рецензиятень коряс сон получахнось представления театратнеде... Велень учителень... сеedyстэ арасель возможностьензэ якамс лекцияс, театрас, кинос, музейс, зоосадс, валсо мерезь весемес, мезесь кас-ты кругозоронть“.

Тедэ мейле „Комсомольская правда“ сермады, што од учительтень ютксо роботася—те комсомолонть робота. Комсомолонть эряви лездас од учительтень сынст политической знаниясть кастомасонть, педагогической техниканть кедьс-коморс саемасонть.

„Эль сыть кизэнь каникулатне—од учительстванть ютксо комсомолонть политической, воспитательной роботанзо туртов пек пароскась... Од учительтень ютксо ламот туить курортов ды оймсема кудов“. Но кода жо кармить ютавтомо 2 ковань отпускоств лия сехте ламо учительтне?

„Кемень тышат учительтне бажить модемс оштнэс, ванномс фабрикатнэнь ды заводтнэнь, якамс театрас, музейс, стадионс... Ошонь те гостеприимстванть инициаторокс должен улемс комсомолось“.—сермады „Комсомольская правда“.

Маень 14-це чинь „Комсомольская правда“ газетасонть РСФСР-нь просвещениянь Наркомось Бубнов ялгась эсь сермадовксонзо шны те инициативанть. Сон мерсь АССР-нь просвещениянь нарком-

нэнь, народной образованиянь краевой ды областной отделтнэнь заведующейтнэнь лична кундамс те тевентень.

Маень 15-це чистэнь газетасонть печатася ВЛКСМ-нь ЦК-нь секретаренть Файнберг ялганть сермазо, косо сон мерсь, што кизэнь каникулатнэнь шкасто велень учительтень ошов тердемадо предложениясь виде ды лездас сонзэ тевс ютавтомантень. Файнберг ялгась сермады:

„Эряви, штобу комсомолонь краевой ды областной организациятне невтевелть седе ламо инициатива те важной тевенть организовамо-сонзо.“

Эряви вейсэ народной образованиянь отделтнэнь ды начальной ды средней школань работниктнэнь профсоюзтнэ марто вейсэ тешкстамс шкат, явомс ответственной ломанть, теемс ошов сыця учительтень туртов эрва кодат лекциянь, докладонь, развлечениянь плант“...



Артексэ оймсиця испанской эйкакштнэ прогулкасот.

Шайхет.

## ПЕК ПАРСТЕ ЮТАСЬ МИШКИНЭНЬ ИНЕЧИЗЭ

Ламот эшо а содыть, што Пермизь велень Калинин лемсэ колхозонть завхозокс роботы И. М. Мишкин. Умок уш сон кармась анокстамо сенень, штобу те нестэнь парсте ютавтомс инечинть. Кармась таштамо ярмакт. Ды эряви меремс—пурнакшнось аволь аламо.

Колхозонть тевс а нолдыль вейкеяк трешник. Вана васенце бригадасонть арасель ведрат. Лишмень кардазтнэнь а мезсь кандтлемс ведь лишметнэнь симдямс ды сынест човорямс. Эрва чистэ конюхтнэ чийнить велень келес, костояк муемс куш каладошка ведрыне. Ламоксты кортнэсть Мишкин И. М. марто, энялдыть, штобу ра-

маволь ведрат эли максоволь ярмакт, сынсь бу конюхтнэ рамовольть.

Арась, аволь истямо минек Мишкин. Вейке ульнекшнэсь сонзэ валозо:—Арасель ярмакт, мезь нерни-тядо!

Но вана сась умок учонь чись—инечись. Колхозной ярмакт лангс И. М. Мишкин рамась эстензэ 12 килограммт сывел, 2 литрат вина ды лият эрва мезь. Инечинь перть налкессь картасо ды ютавтсь колхозной ярмакт. Парсте, веселасто ютась инечись И. М. Мишкинэнь туртов.

Ваныця.

Березникень район.

## Соцкультурань кудосонть

Кочкуровасо социалистической культурань кудось сеске панжомадонзо мейле малав весе шканть перть ульнекшнэсь пекстазь. Кодамояк робота тосо эзь ульнекшнэ. Од ломаньтнэнь якамскак ульнэсь а ков. Соцкультурань кудонть заведующеесь Поповский тов эзь яксеяк, секе тев ды ежевтомо

симнэсь винадо. Мейле кой-мезь салась ды оргедсь.

Ней социалистической культурань кудось—Кочкуровань эрицятнэнь ды васняк од ломаньтнэнь сех вечкевикс тарка. Тосо ютни сынст весе ютко шкат. Од заведующеесь Шумилин ялгась маштсь парсте аравтомс культурно-массовой роботанть. Соцкультурань кудосонть сеedyстэ эрить постановкат, кино ды выступленият. Соцкультурань кудосонть ули покш библиотека, тосто ловнынясь муи куш кодамо эрявикс книгат, газетат ды журналт.

Соцкультурань кудосонть од ломаньтне, комсомолецтнэ сеedyстэ ютавтни эрва кодат налксемат, Тосо ули билиард, гармоният, гитарат, шашкат, шахмат ды лият.

И. Мокшанкин.

Кочкуровань район.

## А тонавтниць военной тевенть

Дубенкань район. Кенде велесэ зволь полной средней школасонть а тонавтниць военной тевенть. Физкультурань преподавателенть Балейкина ялганть сонсинзэяк арась кодамояк значокозо.

Тонавтницятнэнь ули покш мест сенень, штобу максомс ЮВС, ГТО ды ПВХО значоктнэнь лангс норматнэнь, но сынест кияк а лезды. Рускин.

## Ф. ОЛЕШУК

## Наукась ды религиясь

Науканть пек покш ролезэ ломаньтнэнь общественной эрямосост. Сон ломаньтнэнь лезды содамс природанть, сонзэ развитиянь законтнэнь. Неть законтнэнь содазь жо ломанэсь может эсинзэ лезэс нолдамс природанть, полавтнемс сонзэ.

Науканть, научной знаниянь кедьс-коморс саезь, ломанэсь тонадсь кораблянь строямо ды иневедьга вецеми; тонадсь эстензэ ярасамо-пелень анокстамо, эрямо таркань тееме, оршамо-пелень стамо, тонадсь коштанть ливтнеме, телефон ды радио велде кортамо, кшнинь кинь строямо, тонадсь кастомо скотинань од породат ды растениянь од сортт, допрок лияк-стомтомо моданть чаманзо, сонзэ недратнэстэ ули-паротнэнь таргамо ды ламо-лият.

Наукавтомонть, знаниятневеми, конатнэнь теизь ламо пингет ды таштызь поколениятне,—весе тень а кодадь бу теемс. Но аволь ансяк тень эйсэ ашти наукань значе-

ниязо ломанэнь туртов. Марксистско-ленинской наукань тевс ютавтозь, конася ансяк ськамонзо максы обществанть касомань законтнэнь видестэ чаркодема, трудяца массатне пролетариатонь партиянь ветямонзо коряс од койсэ теить эсист общественной эрямоств. Революционной бороциямосонть эксплуататортнэнь властен эртомадонзо мейле минек ине родинанть народтнэ в основном строизь социализманть. СССР-сэнь, мир-сэнь социализмань васень масторсонть, трудяцятне, наукань яла седеяк пек кедьс-коморс саезь, ветить созидательной покш робота.

Мезсь жо толковави социализманть изнявксонь условиятнэсь наукань те виезэ? Сенэсь, што наукась видестэ невти алкуксчинть, ломанэнь максы природанть ды обществанть виде картина, мирэнь виде картина. Наукась теевсь ломанэнь практической деятельностиензэ коряс, сон кастави ды проверяви деятель-

ностень те практикасонть. Алкуксонь наукась оюлмавозь практиканть марто, сон практиканть организови истя, кода эряви ломанэнь, обществанть.

Но мезе те истя религиясь? Сонгак истя жо снартни толковамс ломанэнь сонзэ перька аштиця природанть ды невтемс правилатнэнь, конатнэнь коряс ломаньтнэнь эряви теемс эсист эрямосост. Но весе тевесэ сень эйсэ, што религиозной тонавтоматне ды правилатне теезь природанть ды обществанть законост аволь тонавтоманть корис, но лията, сверхъестественной мирэньтэ буту улеманть сокорсто кемемань коряс, ды келя се сверхъестественной мирэньтэ эрить ойметь, пазт, ангелт, нечистой силат ды лият. Тестэ лиси, што религиясь ломанэньтэ мирдэньтэ максы аволь обоснованной, секс а видеяк, кенгелемань чаркодема. Сон ломанэнь кармавты сокорсто кемеме пазнэнь, прокс сех покш виентень, конася бутотензе мирэньтэ ды вети эйсэнзэ. Секс религиясь ломанэньтэ аволь лезэв, но зыянов.

Религиясь тонаваты, примеркс, пазнэнь озныцятнь, што весе орматне пазонть пельде, секс орма-

тнэнь лечамскак эряви молитвасо, заговорсо, орожиямосо, молебесэ. Чаркодеви, што весе тень эйсэ кодамояк орма а лечави. Религиясь пазнэнь озныця ломанэньтэ тонаваты, што сюрось шачи эли а шачи пазонть мелензэ коряс: пазось, келя, может максомс вадря шка, сон истя жо может, келя, кучомс засуха. Секс, келя, штобу парсте сюрось шачозо, а мейсь кунсолос агрономт, а мейсь модась сокамс тракторсо, томкасто ды эсь шкасто, видемс сортавазь видьмесэ. Эряви, келя, седе пек озномс пазонтьне, служамс молебент. Эряви ли кортамс, што те сех виде способ вачо чис пачкодематнэнь.

Религиясь пазнэнь озныця трудяцятнь тонаваты, што сонензэ эряви циярдомс пиштематнэсэ, улемс сатьмекс ды кунцолыцякс. „Бутитонь лоштятадызь вейке штекас, аравтык омбоцэнь“,—истя корты евангелиясь. „Христосось пиштевтсь—миненекак мерсь“,—вана правилась, конань шны пазнэнь озныця робочеентень ды крестьянничентень христианской религиясь. Бутитеемс религиозной те кармавтоманть коряс, сестэ трудяцятнэнь эряви отказамс эксплуататортнэнь каршо, капиталистнэнь ды поме-



# СЕРМАДОМО УШОДЫЦЯТНЕНЬ МОРОДОСТ

— А. Мартынов —

Од ломантне, сехте ламо жо тонавтицятне ды пионертиэ, эсист стихсэст ды частушкасост, конатне эрва чистэ сытэ „Ленинэнь киява“ газетантэ редакцияв—сермадыть минек Якстере Армиядонть, стахановецтнеде, трактористтнеде, колхозной келей паксятнеде. Снартнить лирической стихсэ ды частушкасо невтемс тундонть самонзо ды лият.

Малав эрва ялгась эсинзэ сермадовксонзо марто редакциянтень кучи серма, конаньсэ веши печатамс сонзэ стихентэ эли частушканть газетас.

Но можна ли сынт печатамс истя, кода сын улит, аштит ли неть сермадовкстнэ истямокс, конатнень ловномадо мейле кадэволь бу ловныцятне пряс мезеяк паро, волнуощей, интересной? Тонавтыть ли сын ловныцятнень, кепедить ли сынт чувстваст?

Вана минек икеле малав 30 истят стихт ды частушкат. Сынт эйстэ сехте ламотне сермадозь рифмавтомо, кодамоак размерень апак кирде ды уш овси а мезь кортамс неть стихтнэсэ содержаниядонть, художественной образнэде ды сравнениятнеде. Сынт сермадыцятне—Лачин (Кочкуровасто), Моськин, Терешкин ды Петяскин (Чамзинкасто), Егорова, Ледяйкин ды Аброськин (Березникстэ), Быков, Русскин (Дубенкасто) ды лият. Весе сын а содасыз мик стихень сермадомань сехте элементарной правилатнень, те—рифматнень, размерень, содержаниянень последовательностень, конатнень апак сода овси а кода сермадомс стихт, секс што стихсэ строяви аняк неть правилатнень основаст коряс.

Сайдяно зяроак примерт.

Березникень районсто Пермизь велест Н. Егорова ялгась сермады „Стахановецтнэнь коряс частушкатнэс“:

„Стахановкакс лек  
Паро, эрва кие  
Шнасынзе ды  
Эстеткак мельс паро“.

Кие содасы стихень сермадомань техниканть, се видьстэ мере, што те аволь стих, но чаво валонь пурнавкс. Косо тесэ рифмась ды размерьс? Сын арась. Сынт а содасынзе Егорова ялгась.

Эли эщо вана Ледяйкин ялганть (Березники). „Колхозонь эрямодонть частушканзо“:

„Виресь пиже, виресь пиже.  
Виресь мазыстэ эсь прынзо невти.  
Ней колхозсо эрямось.  
Валдо чинтень вети“.

Те куплетэнтэ васень строчкасонтэ 8 слогт, колмоцесэнтэ жо, конатнень эряви рифмавоомс васеньцентэ марто—аняк 7 слогт. Омбоце строчкасонтэ 10 слогт, нилецесэнтэ жо, конатнень эряви улемс слогонь коряс вейкедть омбоцентэ марто—аняк 6 слогт. Тестэ минь нейдяно, што Ледяйкин ялганть частушкасонзо арась размер, истя жо арась рифматкак.

Сермадомо ушодыцятне малав весе а содасыз эрянь грамматиканть. Малав весестихтнэст муят грамматической ильведькст. Примеркс сайсынек Сабаевань средней школасо тонавтицятнэ В. Лачин ялганть. Сонзэ 20 строчкасэ „Тундо“ стихсэнзэ весемезэ 15 ильведькст. Истя, сон, „нармунтне“ валонть таркас сермады „нармунтне“, „морить“ валонть теизе „морить“ валокс, „сэнэ“ валстонть тейсь „сэнэ“ вал.

Сермадомо ушодыцятнень ютксо лия ялгантнень стихсэст улит койкодот рифматкак, кирьдеви размерьскак. Но те эщо аламо. Эряви, теде башка, штобу стихсэнтэ прок парсте рисоваз картинасто неволь се, мезде арси сермадомс поэтэс. Ловныцятнэ туртов те картинанть эряви рисовамс художественной, образной сюпавкельсэ.

Сермадомс аволь коськстэ, аволь фотографически (мезе неят—тешкстак, аволь истя). Стихсэнтэ эряви невтемс сех главноентэ, теомс обобщения, сермадомс истя, штобу неволь эрва теветнэ покшолмазо, виезэ, значениязо, штобу стихсэ соваволь, кода мерить, ловныцятнэ седейс. Эрва сермадовксонть улеза идея, эрямо. Весе теньвтеме коське валтнень кодамоак лезэст арась.

Вана самай те араськак Ф. Потапов, И. Ерисов, Иван Терешкин, Н. Дементьев ды лия ялгантнень стихсэст. Сын сермадыть прок стенгазетас заметкат, кось-

кстэ, кодамоак художественностеме ды образностеме.

Терешкин ялгась, примеркс, „Трактор“ стихэнзэ омбоце куплетсэнтэ сермады:

„Сыргинь седе тона енов  
Тосо зэрт пек маряви  
Тракторсо тосо Сафронов  
Паксянтень сокавкс яви“.

Кинень мезе максыть неть строчкатне? Ну мезе, соки Сафронов тракторсонть ды весе. Те ней уш аволь од. Ней минек эрва колхозсонть сокить тракторт. Нонет валтнэсэ минь овси ай арситяно меремс сень, штобу а сермадомс тракторист-стахановецтнеде. Сынт роботадо эряви сермадомс, но сермадомс парсте.

Сермадомо ушодыцятнень эйстэ ламотне стихтнэсэ рифманть кисэ сермадыть сын а содыть мезьт. Истя, теке жо Терешкинэсэ секе жо „Трактор“ стихсэнтэ сермады:

„Мон сыргинь кудосто вирев  
Цвети цецянь кочкамо  
Каршозон лопав кал илейт  
Превть тень арсит вачкамо“.

Икелевгак, цецясь обязательна цвети. Теньвтеме цецяк улемс не может. Секс „цвети“ валось лишной. Меельсекс, лопав кал илейтне кодак не могут арсемс ды вачкамс тетэ превть.

Улит аволь аламо ялгат, конатне кидеяк овси апак визде эсист фамилияст сермадсыз кодамоак поэтань стих эли частушка вельксс ды те стихентэ кучсыз редакцияв. Истямо плагиатокс минь невтьсынек П. С. Юртайкинэнь. Сон, вана, „сермадызе эрякс“ „Воскресенье мать старушка“ рузонь народной моронть, сермадызе вельксээнзэ эсинзэ фамилиянзо ды кучизе те моронть редакцияв. Юртайкин редакциянтэ пельде кевкстни, кодадт „сонзэ“ те стихсэнтэ асатыкст. Ответэнь таркас эряви меремс, што лиятнень творчестванть саламонь кис, плагиатствамь кис чумондыть.

Сермадомо ушодыцятнень сехте ламо эрявиловномс минек классиктнэнь—Пушкинэнь, Лермонтовонь, Некрасовонь, Маяковскоень ды лиятнень. Сынт пельде эряви тонавтемс сермадомо.



Саранскоень культурань ды ойсьемань парконтэ зякакштнэ прогулкасот.

П. Иванов

## КАРМАН НАРОДНОЙ МОРОНЬ ДЫ ЕВКСОНЬ ПУРНАМО

„Ленинэнь киява“ газетасонть печатазель Н. Симдянов ялганть сермазо, косо сон од ломаньтнень, комсомолетнэнь, тонавтицятнень терди эрянь фольклоронь пурнамо. Тень мон лован пек видекас. Эряви седикелень ды неень шкань народной творчестванть теомс келей массатнень достояниякс.

Мон монсь покш мельсэ кундан те теветнень.

Павел Русскин.

Дубенкань район.

## МЕКС А МАКСИТЬ КНИГАТНЕНЬ?

Березникень район. Пермизь велень НСШ-сэ ули пионерской клуб. Клубсонть жо ули библиотека, косо роботы Батяйкин ялгась. Библиотекась свал эри пекстазэ.

Тонавтицятне ды пионертиэ эрва чистэ якить Батяйкинэнь мельга ды энэлдозь вешить книгат, но Батяйкин яла алты понедельникстэ максомс.

Пионер.

шиктнэнь каршо, сынт азаргадонь банданть — фашизманть каршо классовой бороцямонть эйстэ.

Секс религиясь педепев моли науканть каршо, сон маньши озыця ломанентэ, максы тензэ эсь прян ветьмонь зыянов койть. Религиясь ды наукась вейкествейкест марто а мирявикст. Сын зярдояк немогут эрямс сэтмествэ, вейкествейкест вакссо. Ков седе пек мольсэ человечестванть историясонзо науканть касомазо, тов седеяк пек сезевильт религиянтэ нежензэ. Наукась эськельксэсь келькс мельга лангс таргась религиозной тонавтовкстнэнь а видекс-чист ды глупостест. Научной открытияне ды изобретенияне покшолгавтыльт ломанентэ кругозоронзо, евтнильт, кода теевсь модась, кода появась ломанесь, невтизэ, кодат законтнэнь коряс моли эрямось. Наукась невтизэ, што природасонть арась ды не может улемс истямо существа, конань ловить пазокс. Наукась невтизэ, што весе седе религиозной евктнэ, буто мирэнтэ, животнойтнэнь, ломаньтнэнь нолдынзе пазось,—весе теде евктнэ лиссть васень шкань (первобытной) ломантнень невежестваст

кувалт. Наукась истя жо толковинзе сеть источниктнэньгак, косто савесь религиясь ды пазонтень кемемась.

Чаркодеви, што религиянтэ кенгелямонзо, а видекас-чинзэ невтемась эзь вечкеве эксплуататорской класстнэнь, конат религиянтэ эйстэ неильт трудицятнень лепштямонь виев кедь-енкс. Рабовладельцтнэ, помещиктнэ, капиталистнэ пек парсте чаркодильт, што религиянтэ юронзо калавтомась пачти се строент калавтомантеньгак, конань (строент) религиясь освещает пазонь лемсэ. Эксплуататортнэ пельстэ, што бути трудицятне а кармить пазнэнь, „тона чисэ“ эрямонть кемеме, лоткить пиштематнесэ цидярмадо, сестэ сын истя жо а кармить чатьмонезь кандомо эксплуатациянъ сталмонть, кармить бороцямозь эсь пряс оляс менстямонть кис, эксплуататорской койтнень ертоманть кис. Секс самай науканть успехтнэ ды изнякстнэ, сень кувалт, што сын сезивильт пазнэнь кемеманть, токиль пингедэ-пингес теевезь религиозной представлениятнень, азоркс аштиця класстнэнь ендовастнильт каршо молема.

Человечестванть касомасонзо цела пингетэ ды ламо тыща неть пештызэ науканть каршо религиянтэ пек казямозь бороцямозь. Науканть яволявтильт пазстомокс, ученойтнэнь—богохульникекс. Ломантнень мелень превень сех вадра, икеле молиця представительтнэнь, конатнень лемест кувалт наукась нейгак ашти мельс-паросо,—церковась сынт маштнесэ, пултнесэ тол-пандясо, живстэ нажавтнесэ мода потмосо. Ине ученоесь Коперник, конась невтизэ, што модась чары чинть перька, казнямодонть (маштомадонть) менсь аняк секс, што кенерсь куломо эсинзэ открытиянтэ печатамодонзо икеле. Сонзэ последователесэ Джордане Бруно, Коперникень учениянтэ видекас ловаманзо кис, церковной приказонь коряс пултазель тол-пандясо. Кавксоньгемень иесэ ученоентэ Галилеень аняк сень кис, што сон мерсь модась чары чинть перька, но ай ашти вейке таркасо, кода кортнестэ поптнэ,—тень кис сонзэ эрва кода нарьгасты ды тейнестэ тензэ пек казямозь пыткат. Церковниктнэ вейсэ полициянтэ марто секе тев кайсевкшнильт

гениальной писателентэ—Л. Толстой лангс.

Неть примертнэ—аняк вишкине пелькске ламо пингень се виев ды кеме бороцямонть эйстэ, конань религиясь ветьль науканть ды сонзэ представительтнэнь каршо. Те бороцямозь эзь правдо нейгак. Сонзэ аняк форманзо лият, сеедьстэ мик седейк казямот. Америкасо, буржуазной шназь демократиянть те масторсонть, 1926 иестэнтэ тюрьмас азавтомс судязель народной учитель Джон Скопсаньк сень кис, што сон школасо тонавтицятнэнь евтнесэ Дарвиндэ ды сонзэ учениядонзо. Фашистской Германиясонть научной медицинской журналтнэсэ официална ютавить „теория“ седе, што ормась—„пазонть пельде чумондома“, што сынт лечамонь сех вадра способь—моливат, што сех вадра лекарсь—вере-пазось, кона, кода евтни библиясь, тейнесэ операция Адамнэнь—ирдиксэнзэ таргизе ды эзь ульне кодамоак саредема. А мезь дивамскак сенень, што самай фашистской Германиясонть, косо преследуют алкуксонь уче-

(Пезэ 4-це страницасо)



## Испанской правительстванть декларациязо

Маень 17-це чистэ Испанской од правительстванть васень заседаниядонть мейле национальной оборонань министрась Прието являвтызе правительстванть декларациянзо (являвксонзо).

Сень кис сожалениянь евтазь, што правительстванть составо арасть профсоюзной организациянь представитель, правительствась кеми, што неть организацияне вейсень интереснень кис лияк-томтсыз эсь позицияс ды кармить вейсэ роботам правительстванть марто. Правительствась лови, што сонзэ главной задачей ашти сеньсэ, штобу ветьямс народной массатнень мятежиктнень ды омбо масторонь интервентнень лангсо изниакс лисемантень. Правительствась максы обязательства свал кирдемс тылсэ порядоконт. Сон лови тень существенной задачей изниакс лисеманть кис. Правительствась яви башка мель военной операциянэсэ ды истя жо экономической единой политиканть ютавтомасонть вейке руководствань аравтоманть. Правительствась одс сыгавты сех энергичной протест невмешательства до соглашениясонть прок законной правительстванть, сонзэ праватнень киртямонть каршо.

(ТАСС).

## Италиясо касы антифашистской движениясь

Англиянь „Дейли Геральд“ газетась пачти куля, што Пелеве ено Италиянь зыря таркава ульнест Испанской республиканть марто солидарностень выступлений. Истят выступлений ульнест примеркс, Флоренция ошонь университетсэнь.

Весе Пелеве ено Италияванть ламонь-ламонь арестовакшныть сетнень, конатнень ловить фашистской режимть кувалт мельс а паросо аштиакс.

(ТАСС).

## НАУКАСЬ ДЫ РЕЛИГИЯСЬ ( П Е З Э )

нойтнень, ловить официальна 50 тышат знахарть. Сынт эйстэ врачнэде ламо.

Ленин кортась: „Неень шкань весе религиянть ды церковатнень, религиозной весе ды эрва кодат организациянень марксизмась эрва зярдэ лови буржуазной реакцинь органокс, конат служить робочей классонть эксплуатациянть ды маньшманть ванстоманть“. (Ленин, XIV-це том, 68 стр.). Ков седе стакакс ды акемевиксэкс теви капитализманть положениязо, тов седеяк пек эксплуататорнэ кундист религиянть эйс. Школасто алкуксонь наукант панезь, сень теезь, штобу седе аламо трудицятнень улелелть знанияст, — фашизмась печатенть, церкованть, школанть, кинонть, радионть вельде эрва кода ютавты религиянть, массатнень тулкади политической эрямонть, классовой бороямонть эйстэ.

Советской государствасонть, ко-со властесь трудицятнень кедьсэ, — наукант кис пек мелавтыть партиясь ды правительствась. Народной келей массатне кедьс-коморс саить научной знаниянть, кепе дить эсис квалификациаст, школасо, техникумсо, ВУЗ-со тонавтыть

## ИСПАНИЯСО ТЕЕЗЬ ОД ПРАВИТЕЛЬСТВА ПРАВИТЕЛЬСТВАНТЬ ПРЯВТОСЬ ХУАН НЕГРИН

Маень 17-це чистэ Испанской республиканть президентэс Асанья од правительстванть теаманть максызе Хуан Негриннень, социалистической партианть членэнтень, мадридской медицинской факультетэнь профессоронтень. Кабальеронь правительствасонть Хуан Негрин ульнест финансовый министр.

Политической партианть марто ды антифашистской народной фронтонь организациянень марто кортнемадонть мейле Негрин маень 17-це чинь чокшнэ пурнась од правительства. Од правительствасонть 9 министр, икеле жо уль-

нест 18. Кавксо министратне участвовали Кабальеронь правительствасонть. Од правительствасонть 3 социалист, 2 коммунист, „республиканская левая“ партианть 1 представитель, „республиканский союз“ партианть 1 представитель, „каталонская левая“ каталонской партианть 1 представитель ды баскской националистнень вейке представитель.

Правительстванть прявтось Негрин, сон теке жо шкане финансовый ды народной хозяйстванть министра.

## ИСПАНСКОЙ КОМПАТИЯСЬ РЕСПУБЛИКАНСКОЙ ОД ПРАВИТЕЛЬСТВАНТЬ СОСТАВДОНЗО ДЫ ПОЛИТИКАДОНЗО

Испанской компартиянь Центральной Комитетэс кучсь испанской республикань президентэнтень Асаньянень серма, косо сермадозь од правительстванть, кона ули теезь, основной политической установканзо.

Сермасонть невтезь, што компартиясь лови эрявиксэкс теамс народной фронтонь правительства, конань эйсэ кармить улеми весе политической партианть ды профсоюзной организациянть. Од правительстванть программань основной пунктнэ, компартиянь мелемзэ коряс, должны улемс: 1) весе фронтнень реорганизациясь ды народной армиянть теамась; 2) генеральной штабонть эффективной реорганизациясь; 3) резерватнень теамань систематической ютавтомась; 4) республикантень весе враждебной элементнень командной постнень лангсо каямось; 5) сеть боецнень выдвижениясь ды каземась, конат войнасо невтсыз эсис самоотверженностест ды героизмась; 6) промышленностень военной промышленностекс седе курок велявтомась ды единой руководствань коряс производствань од отраслянтень теамась; 7) масторонь весе экономической ресур-

стванть ды правительстванть кедьс пурнамонь кис экономической политиканть организавомось; 8) высшей экономической советнень теамась; 9) промышленностень главной отраслянтень национализациясь седеяк пек сетнень, конатнэсэ азортнэ примасть виде эли косвенной участия фашистской мятежсэнт; 10) мелкой индустриянть ды мелкой торговлянть ванстомась; 11) трудицятнень интересэ ванстомань ды трудовой дисциплинанть кирдемань кис производстванть лангсо аравтомс робочей контроль; 12) крестьянской массатнень интересэ ванстомась кода мелкой собственниктнень, истяжо коллективной хозяйстванэсэ; 13) масторонть весе территориянэс келес республиканской порядкань аравтомась.

Правительствась должен невтемс эсь прынзо пек кемекс порядкань колыхатнень кувалт.

Неть установкатнень коряс коммунистической партиясь являвты, што сон „согласи участвовамс народной фронтонь коть кодамо правительствасо“.

(ТАСС).

## Бискайской фронтсонть молить виев бойть

Испаниясо гражданской войнанть основной фронтнэсэ меельсэ 3 ковтнень перть теевсь затишья. Республиканецнэ те шканть тевс ютавтыть эсис боевой виест кемекстамонть туртов, келей решительной наступлениян анокстамонть туртов.

Виев бойть молить бискайской (пелеве ено) фронтсонть, косо мятежиктнэ ды интервентнэ эцить басктнень автономной республиканть — Бильбаонть лангс.

Маень 17-це чистэ ашолгадома шкане фашистской войскактне, германской ды итальянской моторизованной ды механизированной частнень, артиллериянть ды авиациянть лездомост марто, ушодсть атака республиканецнень позицияст лангс Хата возвышенностень маласо (Бильбаонть эйстэ пелеве енкс марто-чи лисема ено). Боесь моельсэ зяря част. Фашистнэнтень теезель поражения ды потаст эсис икелень позициянэс. Интервентнэ авиациясь мейле ушодсь виев бомбардировка, теде мейле фашистнэ пехотной частнэ таго атаконь республиканецнень позицияст. Но бискайской войскактне, конат парсте содасыз эсис (родной моданть эрва панкскензэ, противниктень воздушной леднематнень эйстэ кекшезэ, эзть пеле фашистнэ виевстэ эдемадост ды панизь сынт. Фашистнэнтень ютксто ламот маштозэ. Секе жо чистэ испанской республиканской пехотась фашистнэнтень каршо виев контр атаконть мейле мекев саньз Бискорди ошонть, кона чи лисема енодо пири Бильбаонть кинть.

Республиканской сеть войскактне, конат ветить бойть астурийской фронтсонть, ютасть кемень вайгельбен туро икелев Леон ошонть енов.

(ТАСС).

## Ларго Кабальеро от- казась кабинетэнь формировамодо

Кода пачти кулят Мадридсэ „Правдань“ корреспондентэс, Ларго Кабальеро отказась кабинетэнь формировамодо. Отказомось ашти кабинетэнь од структуран сонзэ проектнэсэ лондадомань результатовкс, конань (проектэнт) сон максизе партийной ды профсоюзной организациянень. Кабальеронь проектэнт эзизь прима народной фронтонь политической партианть.

Испаниянь компартиянь ЦК-сь Ларго Кабальеронень эсь сермасонзэ евтэзе эсинзэ недоумениянзо сень кувалт, што Кабальеро эсинзэ проектсэнзэ целанек мезекскак а лови компартиянть мелемзэ. Неть условиянэсэ, — мерезь сермасонть, — компартиясь не может участвовамс од кабинетэнь формировамосонть.

Компартиянть отказомось теевсь сигналокс народной фронтонь лия партианть туртовгак. Социалистической партианть представительсэ тейсь являвтомас, што сонзэ партиязо а карми участвовамо од кабинетэнтэ, бути сонзэ эйсэ а кармить улеми коммунистнэ. Истя жо кортась керш республиканецнень партиясь.

Антифашистской партианть лездомост емавтомадо мейле Ларго Кабальеронень правительствань формировамонть эйстэ савсь отказамс.

(ТАСС).

Отв. редакторсь М. ЛЮБАЕВ